

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第四二冊

補編第四十二冊目次

今有堂詩集四卷後集六卷附茗柯詞一卷

〔清〕程夢星撰
天津市圖書館藏清乾隆十二年刻本

一

阮亭選古詩五言詩十七卷七言詩十五卷

〔清〕王士禛輯
湖北省圖書館藏清康熙天黎閣刻本

一九二

崇川詩集十二卷補遺一卷

〔清〕孫翔輯
中國人民大學圖書館藏清乾隆刻本

四九六

洛如詩鈔六卷

〔清〕朱彝尊輯
南京圖書館藏清康熙四十七年陸氏尊道堂刻本

六五二

今有堂詩集四卷後集六卷

附茗柯詞一卷

〔清〕程夢星撰

天津市圖書館藏清乾隆十二年刻本

附《四庫全書總目·今有堂詩

集六卷附茗柯詞一卷》提要

序

余交汧江先生逾十稔每見輒益親所謂汪汪千頃不受清濁於澄撓者迺今得讀所著江峰諸集歎從前之窺先生者猶以面也先生壯歲取巍科入禁近門第清華裘馬豪上皆固有之迺恂恂莊莊如後門寒素此余早日之賢先生者在是及乎興倦扶搖抽身勇退緇簾斐几抱膝恬嗟若忘乎其身之早達而時之未央也先生詩冲澹夷猶不作劍拔弩張之態而清音秀骨象外天成其詩曰

琴道亦寂寞那及琵琶筆先生之人與集具是矣以是鳴國家之豫鳳儀麟舞可坐致之而顧欲以黑頭高尚嘯歌烟水之鄉其終能祕先生之聲響乎湘門同學弟張璪

序

今有堂詩集

江峰集

古今體詩九十二首

分藜集

古今體詩一百首

香溪集

古今體詩一百十四首

暢餘集

古今體詩一百六十首

目錄

序

流覽古人之詩集多斷自中年以後而早年之作絕少惟杜子美東郡趙庭登兗州城樓有詩眉山兄弟從其父入汴京道中有詩其他無聞焉豈詩之爲道必待學之久而後工耶前輩程汧先生自史館入直其所爲詩嘖嘖人口予往在京師讀之久矣及客游揚州又見其江峰集爲初年讀書江村時作而入都得於道中者附之何先生工詩之早耶夫禪家之學有頓有漸漸者節節而爲之頓則豁然易以貫通是惟得之天者多耳先生聰敏過人凡文人所爲之事無不爲凡文字所有之體無不有當其在江村奉尊人水部公之訓方刻勵應制舉日事佔畢而出其餘情以爲詩其詠史懷古風格在陳正字李青蓮之間而江村十三詠乞瑤草二十二章且成於弱冠以前已足與輞川襄陽相頡頏頡頏斯豈徒求之學力耶天之所予蓋已迥然不侔矣昔錢考功以湘靈鼓瑟登第其平生嘗聞有人誦曲終江上之句卒以此受知

於主司先生之以江峰名集當時得無取此耶或以爲流連光景江南之山浮江而來者相與數晨夕於几案閒則先生工詩之早又未必非江山之助也竟陵唐建中

江峰集序

二

江峰集

讀史四首

江都 程夢星 午橋

壯歲貴努力亦須慎其儀明鏡不藏耀緇塵恒蔽虧賈生在洛陽早膺吳公知薦之漢庭上何難婉皋夔文帝守成主紛更非所宜年少乃喜事遽爲絳灌嗤長沙一見斥躬湘徒傷悲由來露才智適爲讒口資老成蓋國器養晦姑待時不見豫章木辨材七年期

江峰集

一

習俗易移人波流終無涯子夏謹篤士尚言悅紛華漢後去聖久益復事驕奢石崇何如人珊瑚邁官家錦障三十里爛熳明朝霞亦知利吾財過眼如空花晉世不鑒戒非分且有加口腹奪乳哺用之飼肥豕高哉謝東山豪具禁萌芽請裴乃與綿所以子弟佳

佳字從杜入麻韻

人各有弓冶士惟一經橫蘇頌頗有子九重皆知名唐世尚門地敦勉寓權衡制科途轍啓設網掩豪英惜乎王摩詰名以琵琶成光範三上書昌黎

亦紛營錢微知貢舉怨府至相傾子弟貴苟得豈
曰父兄榮九皋鶴則和長松風乃清翩翩韓冬郎
雛鳳能蜚聲

文心如人面所見各不同學焉得性近豈必畔西
東有宋開景運五季迴頽風導源穆伯長擴以歐
陽公大蘇所識拔萬象羅織洪荆國雖異議不以
文字攻後人拾餘唾遂列黨禁中東萊與西山蒐
選破愚聾鉅手始吐氣光燄垂長虹人勿循世論
著書聽窮通

江峰集

二

小齋雨坐

明滅亂夕霞雨脚已在樹梧竹風蕭蕭秋聲細堪
數掩卷懷幽人流螢入軒戶

構李客中對月寄故園兄弟

虛幌上新月高軒風露清故園花事好今夜在江
城鄰笛聽三弄村醪舉一觥可堪芳草路夜夜逐
愁生

至白沙翠竹江村讀書

剝剝啄啄客到門開庭風月窮黃口爲學日益笑

日損顧影七尺慚乾坤古人修詞或謀野高士避
世嘗踰垣文章况藉江山助詩書謾卷來江村江
村與我有夙分吾翁吾叔經寒溫兒時曾過索棗

栗眼見讀書秋樹根子弟直今漸撫壯履齒重破
蒼苔痕整齊細帙自位置槃陀有石安琴尊村翁
喜客送菜把兼致家釀傾餅盆執卷敬謝無事此
竭來雖誦防窺園地偏心遠客意靜天空林寂江
聲喧淘河飛來不解事舉頭導我如長言青山影
外掩秧馬爛銀堆裏吹江豚眼前好景捨書起風

江峰集

三

帆歷歷過籬落下帷如是足自笑在家悵怨寧非

冤石闌點筆識吾過夕陽去矣勤朝嗽

江村十三詠

耕烟閣

虛閣延晴光白雲飛不去沃衍江之濱布穀鳴春
樹耦耕人荷鋤村烟深處處

香葉山堂

山堂雙古柏偶立何蒼蒼風烟飽閒曠永辭斤斧
戕衆鳥各有託于茲栖鸞皇

見山樓

連延南岸山嵐光幻無已木落雙眼空天遠一帆
駛高樓嘯清風山靈同徙倚

華黍齋

菑畲及良晨耕穫當樂歲潔志薦馨香孝思以無
匱望古補筌詩明發恒不寐

小山秋

秋林已暑退落葉生微涼候菴響空山中有叢桂
香淮南招隱篇千載遙相望

江寧集

四

東溪白雲亭

東亭臨水際高柳鳴春禽
魚來忽去溪水清且深
白雲時孤飛澹蕩託素心

漑岩

林間一片石漑名非姓到積陰生層苔蒼翠夕陽
好桔槔本無機俯仰亦天巧

篠簕徑

數畝種篠簕經春雨露足初篁解籜成穉笋尚世
東客來坐清陰何處有塵俗

芙蓉汧

英英未零落江上明秋霞弱質不自持因風半天
斜伊人遙以怨言采芙蓉花

度鶴橋

矯矯雲際鶴翩然落沙行石梁橫水心江海不在
遠清唳警深宵稻梁安足羨

因是菴

香界絕塵想跏趺聊寄意物論詎可齊莊生但因
彼未若老瞿曇無非亦無是

江寧集

五

寸草亭

山草春一寸春至非示恩山禽觸化機有如向我
言嘿坐孤亭中曠然天宇溫

乳桐嶺

雲去四天碧山月明似水修梧被高岡舉袂落梧
子幽人夜不眠秋聲疑在耳

里中古蹟八首

董江都祠

漢初學術苦不明申韓黃老羣縱橫談經中計難

詞賦何殊古瑟兼秦箏天人對策大儒出六經久
困今始亨平津若肯避賢路坐見濁世居然清江
都作相僅斥外牛鼎乃使雞豚烹大材小用世所
惜先民後覺尊庠黌宦遊舊蹟有祠宇辦香至走
蚩蚩氓相傳遺井未可信澄懷亦足銷浮榮春秋
三傳世漫習試問繁露誰能名風吹簾幙客正過
下帷依約當時聲

孔北海墓

墓門有無何渺茫誰見古碣撫文章一邱黃土不

江峰集

六

足辨道危可嘆惟凶殃炎劉四百火不德國賊一
手盜紀綱公庭臣子盡私室北海獨立居中央平
生所善僅元德戲侮吉利多雌黃忌才積怨兩不
免可憐碧血沾衣裳當時誰是座上客尊中有酒
難同嘗蒼皇渴葬想艸艸不知何以埋維揚七十
二陵秋草沒歌舞銅雀傾清漳姦雄白骨誰復問
此公疑塚翻悲涼

法雲寺

東晉古寺名法雲東山謝傅宅所分唐時尚復見

雙檜刺有清籟詩人聞星移物換世愈遠至今惟
有緇衣羣豈知江左夷吾在青苔曾掃節邊裙仁
朝功業且不論揚州有隸防江濱即此萬世受遺
愛忍於故地忘殷勤南朝士夫慣捨宅不獨何氏
讎羶董佛前舊傳有小像沉檀一炷僧猶熏中年
陶寫賴絲竹但惜梵鼓鳴斜曛庭階上潤時雨過
芝蘭安得裁芳芬

文選樓

古今文字浩望洋會粹選擇從蕭梁當前卷帙縱

江峰集

七

披覽博望遜謝無丹黃樓高百尺在何許千秋過
眼如風狂身世惜同太子晉早跨鶴背調笙簧阿
翁自得忽自失青絲白馬來壽陽長年老死復何
益簡文嗣位徒悲傷湘東萬卷亦自喜末路爭救
邦家亡何如選書垂後世朱甕碧瓦懷滄桑小兒
勉強作解事後賢未易論低昂熟精文選求理要
誰言不蓄平泉莊

雷塘

南北割據多歷年隋文混一九有全躬行節儉日

康阜生兒獨恨不象賢初年平陳責後主荒山晚
節同流連江都何好託夢寐征遼自說元偶然三
千宮娃盡粉黛牙橋錦纜沿隄牽迷樓酣宴方未
了雷塘宿草空芊芊隋家得國本智巧天意不欲
祚久延狂魂蕩魄出昏亂英主乃啓唐李淵春風
楊柳垂線線秋宵螢火來翩翩一坏玉匣且泯滅
白頭老圃開花田

木蘭院

今之石塔唐木蘭窮愁王播嘗盤桓無聊寄食僧

江峰集

八

易厭鳴鐘故使過朝餐後來作相領鹽鐵再過此
地笑復嘆爲德不卒何足較人情未免傷飢寒八
駟得意亦傑士聲名何不防貪殘閭黎輕薄蓋具
眼東坡嚴斷寧容寬漢朝君相食不足憂羹輟脯
書史官盛德大業乃佳話不然恩怨無足觀龔香
寂寂鐘磬冷佛眼平等惟閒看後來遊者莫題句
碧紗黃土嫌多端

禪智寺

曲阿處士遊揚州墓田愛向禪智求此言惑溺復

曠達小杜蹤跡尤風流牛相出鎮表書記不教拘
束從閒遊珠簾十里春風路新詩何止吟杜秋性
情豈肯愛禪寂斜陽古寺憑高樓方知天女與摩
詰拈花微笑同沉浮鬚絲禪榻亦有句三生狂態
居然收從來成佛須慧業前身初地疑勾留此間
結夏殊自適陰陰灌木當人頭妙香領取十小劫
莫待零落歸山丘

平山堂

歐公到處爲齋堂揚州結構依蜀岡政清俗化有

江峰集

九

餘暇簿書不遣防清狂眼前突兀非舊屋興頽舉
廢無時荒詩詞下筆妙一世和者傑手皆蘇王至
今文士勝遊集春秋排日提壺觴四方過客偶信
宿好名亦必停游韉雄樓傑閣滿天地斯堂不與
衡低昂山平水遠妙蘊藉略如歐老行文章南徐
北固隔鄉縣憑君眼力收江光夷陵畫舫更何所
倚欄懷古山風涼

長干秋柳四絕句

金線曾看拂水痕無端冷落映孤村六朝寺寺樓

堪倚敗葉愁人亂打門

莫愁湖畔一絲絲盪槩何堪問舊枝蟬去夕陽鴉

去月白蘋風送雁來時

十四樓頭金粉空昔時團扇委西風等閒草木無

情思憔悴天寒賦惱公

不用金城嘆短條亭邊送客省勞勞但來王謝堂

前燕依舊春風似剪刀

夢中得花殘風韞春歸疾竹礙簾旌月上遲

之句枕上足成一律

注聲集

十

黯黯孤檠照薄帷枕間強憶夢回詩花殘風韞春

歸疾竹礙簾旌月上遲不盡愁懷難遣處無多酒

力易醒時疎鐘又起寒烟外錯莫年華夜半知

三叔父偕喬元溪妹聳懷舒二弟江村看花

余不果往悵然有作

漁牀蟹斲記分明重入烟村路未生蠟屐也思新

艸色病醒偏負曉鶯聲城邊水繞春來碧江上山

橫雨後清不獨妬花兼妬伴此行步步是詩情

席上有贈

紅牙小版領天斜定子當筵倚暮霞初試新番數
般曲流鶯啼出海棠花

羽衣一曲舞霓裳長袖風迴四座香賴是生來天

寶後不然狂然李三郎

分明漢殿女珊瑚欲喚纏頭怕錦粗我若長門能

賣賦不辭論斗換明珠

紅橋新漲歌

紅橋一灣如溝洫細流但可浴鷓鴣平日城隅集

小船舳舳擊篙塵愁偏仄此間無地張水嬉聊依野

江聲集

十一

岸尋酒旗行行差足快人意園亭接翅花交枝園

窮路轉略空濶金線垂楊兩邊合小橋倒影若垂

虹惟媿溪光說苔雪轟雷昨夜來江門漏天白雨

驚翻盆遊人看水不待曉綠萍漂過田家村酒船

入夏常低價數錢今過河間妬小篷只受雨三人

三百銅錢留不下清尊羽扇沿荻蒲張燈夜飲添

紅酥憑欄我醉夢魂遠茫茫萬頃浮江湖

桐

桐葉悲先落春來可更生一年依老屋昨夜有秋

聲風急知天意霜多見物情蕭蕭明月夜枯影上窗橫

和熊繼亭秋思二首

秋來相顧竟如何對酒誰當一曲歌深巷閉門時
令過小園經雨樹陰多風來西面愁芳芷人到中
年怨碧蘿三十六陂湖水好臨川爭柰逝春波
碧天無際思無涯今古無端入怨嗟黃葉騷人愁
蟋蟀紅燈老妓泣琵琶涼風蕭瑟初來雁細雨簾
纖晚作花我亦秋聲賦中客不徒歐九鬢髮髿

江峰集

士

和天闕乞瑤草詩二十二章

授經圮

早授一卷書晚輕千戶封胡不從黃石而乃從赤松

石田

屑玉以爲糧身輕當却穀離離瑤草生安用羨梁肉

紅樹徑

白雲停層岡紅樹耀幽徑天風習習來深林落清

磬

登微橋

駕言躡長虹飛空生羽翼舉頭觸天星垂手拾海石

先春坪

白鹿擾蒼坪梅花落如雨和雪嚼殘英羅浮在肺腑

芙蓉澗

碧澗流潄潄不栽桃與李洞口白雲深芙蓉隔秋

江峰集

圭

水

菊坡

種菊春已苗南坡欲盈畝落英流甘谷分飲一村壽

景靈洞天

披雲得洞天仙人此焉宅流泉自激撞乍見乳珠滴

猿鹿渡

日與木石居還與猿鹿遊久狎不我避共飲溪上

流

洗藥潭

土肪閎靈秀瑤艸發光澤竹杖荷筠籃寒潭烟水

白

泊雲館

攬之不可收搏之不可結山館寂無人風來動虛

白

桂嶺

丹桂七十株青腰三千女飛羅遠銜來落我尊中

江峰集

古

醕

駐鶴亭

蒼蒼巖間月送影孤亭中獨有千年鶴來栖偃蓋

松

淘丹渚

采藥雲收時淘丹水流處靈潭遺澄潭潛魚忽飛

去

掃壇柏

翠柏蟠虬枝何年古壇下浮埃自不留月明清影

寫

巖上住

躋險千仞餘上有香茅宇仙人乘紫烟時來復時

去

藏顛閣

微顛安能藏顛極安所底但得顛中趣不問張與

米

斷彼巖

斷妄以存微避囂以守寂孤峰夕照紅餘此一寸

江峰集

其

碧

仙靈度

神向雲邊度形從石罅藏至今仙閣上丹粟餘幽

香

梯雲磴

懸崖出鳥道陟險凌其顛舉手絕攀緣御風尋列

仙

瑤壇

昔時所埋物幽遠不可測深宵發奇光瑤雨兼玉

冊

煉丹臺

煉彼玉石英寅申火微爍丹成笑許邀何爲化雙鶴

書外祖蛟門先生百尺梧桐閣詩集後

揚州以詩鳴時賢蓋可數朝野格盡高開先吾外祖前此豈無人未許風騷主公也得之天更以學術輔會粹去陳言清新見奇古詩派久荒蕪超超羞噲伍張陳變唐初厥功不下禹披髮下大荒撫

江寧集

夫

卷感風雨

折菊分插瓶罌層疊位置得三絕句

秋入簾櫳引興賒膽瓶磁斗任欹斜汲將蜀井潛通水分插陶家自采花

好枝芬馥當書幌細蕊離披近筆牀六曲屏風花數疊人間何處五更霜

香散清齋夜半時紅燈低照影參差一杯孤坐閒相對冷落心情獨爾知

彈琴

琴道亦寂寞那及琵琶箏曲終一奏雅但覺移我

情市朝難盡遠喧動愁營營息心使歸靜不必皆

成聲古人去已久懷抱傳分明陶公且無經安用

曲調名輕風在北戶好月來南榮拂拭花下石布

置綠綺橫澄懷一再鼓裊裊茶烟生邈然儼懷葛

舉首天宇清

余葭白招同李曹村小集因樹樓

門清如水酒如油客到吾曹不待留人得公榮皆可飲菊先九日已成秋尊前北海談瑤島天外西

江寧集

士

山入畫樓夜半月沉僮僕笑風簾還約下雙鉤

偶作畫

作畫不必畫但寫胸中詩詩意無盡藏游戲偶出

之有人好此者米顛虎頭凝天機遠人事乃能發

清奇吾徒苦檢束放曠敢若斯去古自較遠聊與

俗情辭小窗花艸麗婀娜因風吹忘言正得意點

染烟兩滋在畫爲小品逸氣亦在茲誰知造物意

生趣惟吾私徐黃未暇論用志手輒隨茫然無師

法吾師絕妙詞

水仙花

種自拘樓國依稀洛浦神江皋初解佩羅襪未侵
塵簾下留香靜燈斜弄影新消寒數晨夕此是素
心人

將之都門留別諸父諸弟

上古重去鄉守道安行藏中古德衰薄始言志四
方一成遂不變容易馳康莊科名何與人屬階由
漢唐到今紛進取失否得乃臧先人得上第早世
家所傷諸父我勸勉諸弟我勸勤榮枯有天定欲

江峰集

大

飛猶迴翔我母告祖母扶攜下高堂攻車擇吉日
毅然理行裝硯田父所授躊躇愁蕪荒敢安井底
蛙姑妄排天閭直北三千里疲茶寨衣裳入門心
宛轉出門氣慨慷吾家敦孝友子弟聚成行一家
如一身百事毋分張燕山望渺渺邗水別湯湯忍
淚開笑口道路甘風霜

淮上懷古四首

貴賤皆再食一飯哀王孫飢驅想當日未知叩誰
門時來動君相餓夫登壇尊國士得性命漂母天

地恩滅項若摧朽與劉此其根薦賢蒙上賞何況
關山存若繁懷清臺可使薄夫敦千金何足報至
今祀雞豚

處世忌太直汲黯幸全終淮陽雖可薄其郡猶繁
雄漢武命臥治慰勉恩禮隆王臣苟寥寥亦可信
匪躬人但直如矢無事曲如弓子孫多九列餘烈
無終窮平津巧阿世張湯懷詐忠功名亦易盡淮
水餘清風

漢文好黃老漢景好刑名詞賦開武帝一時衆雋

江峰集

九

生枚皋號敏捷淮海鍾聰明工巧較犬子何必分
重輕後世工無益黃金須滿籬至今鄉里地多疏
名錚錚作賦試擲地誰知金石聲望古但浮慕空
表舊閭閻

苟安笑南宋淮陰爲邊陲有時不設備老將恒嗔
之忠勤賴斯王夫婦枹鼓隨辛苦共士卒僅免宗
杜襲羣帥納兵柄危疑時可知晚節隱湖上不使
將吏窺功高貴至慎武穆良可悲四郊今無壘
席懷過師

渡黃河

風高野闊天蒼蒼草平隄軟沙茫茫百川時至聲
湯湯白日欲下中流黃黃流十里高中央公無渡
河戒餘艘穹龜巨魚出龍堂險阻不敵書生狂滄
海可蹈思褰裳蓬萊清淺猶栽桑丈夫有志須飛
揚水激三千里何妨擊楫徑渡驚艸郎兩岸時與
船低昂偶思槎客犯銀潢石榴花放牛斗旁濯纓
未暇歌滄浪

紅花埠一帶栗林

江峰集

壬

紅花埠前紅日西倦客欲睡饑馬嘶停車小歇藉
芳草遠樹乍見青迷迷欠伸叱馭首前路一色漸
辨枝柯齊徂徠新甫松柏遠此地種栗排町畦地
平如掌望無極下走白犬兼黃雞東南有畝利不
及抵羊萬角牛千蹄我過尚惜節令早但見風葉
時高低秋天結實聞更好樹下婦子相攀提且掃
且剝等收穫餘遺猶許徠採攜人生當著幾緡屐
坐棄鄉樹行山蹊

沂水

沂水曲曲清且漣倒浸千里晴雲天古人已去崔
兒浴客子飲馬聊沿綠浴手沂昌黎作沿
予沂余兩用之一州斗
大城郭冷居民纖繭山桑前馬頭喚客尺度足客
意不暇惟臨淵十漿五漿野店接長亭短亭山程
聯眼明此水換塵土猶惜易涸爲山泉江南水鄉
畢竟好百丈如織延河牽沙明波淨雖不及客得
米家書畫船

蒙茶歌

江峰集

壬

蒙山山下多青霞蒙山山上都種茶石泉新火雨
前後柳篲筠籠來山家沿村一路飲柳葉入口不
下人咨嗟中途得此喜意外大笑如見優曇花磚
鑪瓦銚咄嗟辦林間燒葉兼槎柯石炭未用損標
格銅瓶旋汲求井華蝦鬚蟹眼第二沸火候正到
投青芽茗柯未信有實理救渴始悟過浮瓜人生
口腹苦無定宴居事事求豪奢膏粱厭飫飽欲死
武夷粟粒猶榆柳柳榆倒用
本虛全此豈至美已快意大
肉硬餅澆义了叩門乞漿又明日且秣吾馬膏吾
車

羊流店曉發

候館齊開白板扉羊公遺蹟已全非春光漸老夢
千里殘月未歸山四圍懷古尋碑文字少送人延
路艸痕稀蕭涼猶有風流在楊柳青青上客衣

馬陵道中

勞勞喚客累荒雞客倦無聊路欲迷長日欹斜芳
草晚短亭依傍遠天低柳條經雨黃初嫩麥隴翻
風綠漸齊笑煞蹇驢窮賈島月明山店馬陵西

望嶽

江峯集

三

驅車入山口所歷愁崎嶇逢迎有列岫意態無差
殊僕夫不好事問名但睢盱奇峰忽當面萬狀相
撐扶心知此泰岱大方果無隅屹如陣雲立秀如
青蓮數一洗培塿曾使我卑窳區方鎮辦齊魯典
禮思唐虞七十有二君王帛渺荒蕪泗上十二侯
干戈亦以無荼漢不足論懷古立斯須斯須空延
佇安得拄杖扶飛步上孱顏夜半看日烏低頭眺
東海一氣青模糊吳門驗顏孔曠覽巨細俱嗟哉
此空谷誰爲繫白駒馭者苦促迫匆匆即前途青

眼在松栢白日垂桑榆勞人歌草草山靈毋盧胡

漢栢行

山祠日午寒無光森森松檜陰空廊中有翠栢更
挺秀欲凌泰岱摩穹蒼炎漢至今閔千載歷歷兵
火無摧戕神依鬼護自長久烏飛兔走仍昂藏香
葉離披挾風雨老幹倔強排冰霜荒烟野霧競栖
託時發清籟吹笙簧客來坐臥不忍去摩挲百過
吟哦長昭烈閔宮孔明廟蜀中僻遠誰表彰當時
過者有杜老遂使傳後同樓桑眼前高格對此樹

江峯集

重

我才薄劣慚蒼茫

德州過田少司寇山蘊先生墓道

詩教一自開宣尼治詩漢有魯與齊山東歷世尚
風雅談宗說派分町畦白雪樓高峙明代前後七
子相挽提三唐音調略仿佛四始門逕殊嫌低我
朝名手王司寇山海會盟疑航梯田公一時號瑜
亮同雖不黨貳不攜新聲鼓吹兩倡導盡洗村笛
清邊聲論功壇坫亦時傑比擬畫品如黃倪關荆
顧陸更何許兩公不死應能躋後學服膺過墓下